





靜脩先生文集卷之八

容城劉因夢吉甫著

七言絕句詩類

臘盡

小雪初晴臘盡時無窮  
梅柳怨開逢人間不覺春來  
早只有吾家布被知

讀史評

紀錄紛已失真語言輕重在詞臣  
若將字上論心術恐有無邊受屈人

試筆



夜泛南湖

日落浮雲低載酒出河西歌邊魚喜躍燭外鳥驚棲  
侵暗經花渚依涼逗柳隄高樓不可上煙雨正淒迷

集真如禪居

寶筏湖南覺路通薄言至止竹林東風花變幻有無  
有水月澄鮮空不空世慮能忘杯酌處機心非著手  
談中看春又是將過半暫得歡娛一夕同

園居秋集

燕闕黃金舊有臺十年曾與共游來花邊劍騎臨風  
騁櫺外歌樓待月開回首壯懷真夢寐故園荒逕祇  
莓苔清秋岐路重蕭瑟唯有綢繆酒一杯

上巳日同友泛白龍淵

三月三日暮春天言涉褰裳解楔筵蘭葉渚晴青雀  
舫桃花水暖白龍淵羽觴泛泛從流至曜景亭亭向  
晚懸少長行遊咸暢叙太平不數永和年

重陽後一日宿鷹峰頂禪舍

鷹巢頂上鷹常棲巢空鷹去秋風淒殘尊猶是黃花  
酒高嶺重携紫節藜亂山煙雨日初落大海波濤天  
欲低既許清宵聞法梵莫將幽枕激荒雞

秦駐山



迎駕橋邊試泊舟秦宮駐處一尋遊南山取作屏風  
疊東海翻爲曲水流觴酌縱歡淹白日草花隨意媚  
清秋寧知昔日巡行盛寂寞荒祠古樹丘

鹽城塔望日出值雲晦

千尋宛轉浮圖上萬里微茫日觀邊中道虛疑雙壁  
合扶枝想見十輪懸傾來金液瞰初動劃出朱光爛  
欲然直使曦車展長轡莫令雲翳蔽層天

三八三首春邁會沈子別既三年情均戀戀爰各陳

詩云

自我不見今三春此日重逢春又新幾藉梅花爲信  
使初看柳葉展眉顰絃上流風成合調酒邊明月喜  
隨人且須弭棹西津許莫復褰裳南浦濱

人日集麗澤園

七日爲人人俗通人歡人日日融融日維值坎因人  
重人更逢新與日同柏葉浮香仍臘酒梅花待賞奪  
春紅醉來月榭歌臺上宛坐金屏綠勝中

鍾太初水竹居讌集

蔣生開逕近郊圻潘岳爲園傍水涯棋墅花搖臨局  
影書軒竹長過簷枝風清鳴鶴聞霄漢水暖游魚樂  
沼池旣醉欲歸還且止褰簾正是月來時



春日集擊竹山房

歲轉青陽日已舒暫將蘿薜偶簪裾行游寶地紛塵  
外坐卧空林清晏餘定水不流池自滿白雲無住榻  
常虛請看壁上籠紗處盡是當年散漫書

宿東禪寺同陸吏部

朱樓金刹起千尋曲渚廻溪藹夕陰舍筏已知登覺  
岸依禪聊復宿空林松窓夜靜風濤落石逕春寒花  
雨深非是淹留因愛戀一燈禪榻有同心

携妓賞牡丹妓名杜韋

徵歌昵宴選名娃阿杜風流第一家雅韻奪將鸞鳳

管能行妬殺牡丹花板臨池水憐娥影醉上山臺玩  
月華每共流連不知返青春來夜樂無涯

集姚子玄桂堂

樹色波光媚野筵親人魚鳥足留連鴛鴦暮渚采蓮  
曲鸞鳳秋林伐木篇烹饌每憐芬及菽開尊常挹淡  
如泉知君雅有楊雄癖故使山名得尚玄

贈姚秀才省試

君家兄弟鳳毛聯次序騫飛爾合先挾藻稔知成五  
色下帷今喜及三年蛾眉入鏡方當選玉貌徵圖始  
見宣正是羣司親勸駕秋風吹拂桂花天



項禮集卷之四  
四  
包子舊知見存兼餉尊酒席上贈荅得澈字  
長卿故倦遊安仁本宦拙眷言返初服考繁在巖穴  
衡門聊棲遲委巷隔車轍懶性與年增歡懷逐時歇  
洵彼山中人勿以逋客絕命彼一夕駕賦此五載別  
晤言穆清風坐令秋暑澈傾尊美醇德醉心良惛惛  
秋草綠以萋涼月行復缺之子且淹留嘉樹可攀折  
巳巳重陽前一日張山人見過  
石戶無人竟日關惟君每過不知還仲長樂志嘗臨  
水靈運閒居託在山燈影侵風書榻畔棋聲亂雨竹  
窗間平生幾柄登高屐何處黃花擬共攀

九日集真如槐龍山館

值天雨

九月天陰九日逢寂寥物外幾人同  
慈雲寶刹蒼龍雨僊梵浮圖落鴈風  
菊媚黃金終幻色杯甘法味暫歸空  
何須更羨高臺會大界山河轉盼中

送陳子忠赴試

二月春風花滿京翩翩得意馬蹄輕  
軒前獻納連三問天上臚傳第一聲  
向日便成桃李種入池已獲鳳皇名  
都人相見休相訝自是當年司馬生

庚午春顧山人養素來吾城會余亦入城  
卒未遂遽見訖今悵然舊聞其入山不謂乃



復淹止于此作詩三章聊展私衷

辟穀年來體自癯飄颻輕舉躡清虛祗因真氣容人  
識猶為婆娑強著書

清齋何復問胡麻日飲唯須進紫霞謂已翱翔蓬島  
外不須畱滯海西涯

去年相訝見無因風雨淒淒復度春兩地睽離各惆  
悵梅花落盡杏花新

庚午除夕同方山人深坐至夜分山人與余  
皆不能酒盡量各三行爲斷復命奕一二

枰乃罷不復計勝負

薄雪灑林墟蕭條歲欲除山尊酌醴酒盤饌進枯魚  
白髮從衰後微生只病餘但使能相守常令樂只凡  
燈火用篝懸爐燎取薪然緒風寒盡夜薄雪雨餘天  
歡從三酌斷情向一枰指偶因淹久坐非是戀殘年

宿顧山人園居簡朱山人

新霽空林夜氣清春深衾篔簹薄寒生花間夢寐蝶雙  
繞竹裏更篝鳥一鳴入幙驚風方暫息到窓斜月已  
微明東城正憶朱公叔高枕悠然帶宿醒

九日後新晴喜友人過村居

風雨重陽遲所歡初晴值爾過江干杯因泛菊香猶



在衣為登山濕未乾來雁不愆南日候徂秋先戒址  
風寒狀厭且可無歸去脫帽狂歌月正看

人日過蓮坡禪居

燈火長明繡佛前閉關趺坐不知年身隨有相三千  
界心轉無文七品蓮風過每因窓外竹冰消元是沼  
中泉莫嫌彼岸終難到得假浮梁一木緣

賦得湖聲蓮葉雨

亭亭蓮葉雨泠泠澍激時聞不斷聲葉作杯翻重翠  
溢雨從龍瀉萬珠傾香乘濤浪虛相訝夢逼鴛鴦忽  
自驚欲待湖天澄似洗採蓮歌起晚涼生

賦得碧筍杯稱壽

其制始於魏鄭公懋蓋取其出於傾金注玉之外喜而詠焉

拍浮日以酒為池右捧荷杯左擘枝和露瀉來光湛  
湛含香濡出縷絲絲不持恒滿同歡器且用燕當代  
玉卮聞此千年兆靈瑞為君稱壽醉何辭  
歲暮遠友見過

舟航吳會發書問洞庭來冬竟了無雪春將忽有梅  
款爾值良對歡言動深杯相看更婉戀夜月方徘徊  
入林才把臂傾蓋遂知心逶迤羣樹繞窈窕一溪深  
下榻依雲宿牽簾待月臨歲晚憐同調相從澤畔吟



頽室不安墻風來四無當清醑發酣色孤燭動寒光  
江東方競爽越北久摧藏誰言兩地隔共此一宵長  
施益愚與余鼎角硯席之交冉冉已老六十  
之年又過四矣有幹蠱子得遂市隱賦此  
為壽

稊年硯席雅相同出處於今媿若翁主父宦卑淹薊  
北王君逸操隱墻東于于嬉樂無懷世皞皞謳謔擊  
壤風遙憶爽衣稱壽處桂花新酒正秋中

題文休承畫

千山秋氣晚偏嘉兩岸香風動水華不學羊裘千釣  
餌移舟閒倚白沙  
平溪雲影蕩波光慘木層巖蘿薜涼愛賞不知歸路  
遠更携餘興度漁梁

丁卯之仲冬施子燕集作三絕體三疊之義

寒冬歲暮客遄征莫厭村居酒數行此去迢遙四千  
里淒風踈雨不勝情  
薰葭寒水鴈飛飛遠道風霜客子衣借問音書何日  
至春風北塞鴈南歸  
男兒有志客為家燕薊風塵幾歲華笑殺衡門棲息  
者一村煙水老桑麻



龔明府夏日過村居無携酒饌簡谷二首

桃里本花封湖波餘潤通僊舟咸俊彥深谷祇愚公  
 既醉霑醇醴當暑挹清風從茲菱憩地愛及甘棠叢  
 應符瞻列宿出宰得嘉名時宰嘉興縣 覽且乘公暇言來  
 問耦耕雉隴桑陰渥苗疇雨澤盈歸舟將向晚擊壤  
 有遺轍

已巳仲夏七日乃余初度七十之齒始滿凡

我友生以言見貽輒牽率讐報爰體同聲

相應之義未及者俟焉谷子行韻

長聞空谷得疑神猶假遽廬覽託身今我漸看非復

故白頭相見詎為新披表五月靡知暑翳逕叢蒿欲

没人譬彼幸年無用櫟如何跂望八千椿

六月六日客過村居從俗作餽飽食

江鄉六月復六日與客臨流酒共携逢時野饌嘗新  
 麥隨意園蔬漸作齏蟬甲含風聲尚溢禾苗足雨綠  
 方齊晚涼最是宜深坐弦月生光竹樹西

星洲池館玩紅紫牡丹

池館宏開佳麗辰牡丹猶得殿殘春層層紫墨含金  
 重灼灼臙胭和粉勻楔事即成花下會高陽盡是酒  
 中人翻嫌竟日歡娛少不惜連宵燕賞頻



歲除同方山人守夜

白頭婉孌守更長  
促膝駢筵敞燭房  
笑捧椒花賓獻壽  
滿持春酒主醺觴  
寒風送夜吹殘雪  
燎火通明逼載陽  
日月雖云靡可及  
勉崇令德莫相忘

元日泛舟長水抵濮院

江鄉獻歲好同游  
硯几棋枰載酒舟  
覓草言將涉蘭澤  
看花行欲上梅洲  
寒雲重結雙崖悔  
春水平分九里流  
風雨似催歸路遠  
空餘佳興望南樓

初陽二日過真如同方山人得春字

貧賤交情晚愈真  
一回相見一相親  
青山處處玄中覽  
白髮年年季幻裏  
春殘雪融泉杯色  
瑩光風汎蕙佩香  
新優游乘日聊為養  
寤寐言從南澗濱

村居早春晤同好

樂歲初陽景色和  
考槃永矢在崑阿  
梅荅向晚琴中落  
蘭氣含春酒上過  
閒徑且調娛客鶴  
幽溪不蓄惱隣鶩  
欣逢盛世開醕日  
願續康衢擊壤謠

姚子山堂賦得羊皮屏燈

屠羊從晉方歸肆  
自鬻于秦始得稱  
質素不因膚鞞棄  
文章遂使燄光升  
幾層火樹雲脂映  
九疊屏風玉髓凝  
借問委蛇充服御  
何如叅列偶華燈



十七夜落燈

不夜春城玉漏長  
蘭膏華炬寶輪張  
九光枝上回星斗  
五綵雲中下鳳凰  
瓊宇月留牽宿醉  
瑤臺花滿促餘觴  
流連自是成荒樂  
盛麗佳期不可忘

村居友人見過

南城城南南湖船  
西板橋西西更偏  
磬子班荆能道故  
管寧坐榻竟忘年  
一溪分取藏龍水  
半畝開增養鶴田  
不醉且令君莫去  
梅花軒檻夕陽前

五客攜酒饌見餉遣謝

谷鳥嚶鳴求友頻  
閒門試掃綠苔新  
清風竹下五君子  
流水溪邊六逸人  
不醉無歸零雨暮  
式歌以咏落梅春  
重來莫復攜觴酌  
婉變心交似飲醇

學遁桃源作隱家  
里名元是號桃花  
四座香風蘭室醕  
一軒踈雨竹爐茶  
軋元歲紀開春正  
吳分星文聚海涯  
心共子牟懸魏闕  
江湖莫使暮雲遮

雨雪同錢使君宿真如

沈瘦由來嬾不禁  
潘年向早亦抽簪  
餘閒湖上移蘭棹  
率意城南造竹林  
雪色僧窗三卯酒  
雨聲禪榻一寒衾  
與君信宿留連處  
自覺全消鄙吝心

雪後張子携尊乘舟游汎



乘空隨適蕩虛舟引月持盃酒拍浮靄靄晴霽殘雪  
映粼粼寒影斷漸流湖開分出鴛鴦水橋起平臨牛  
女洲莫道夜長須秉燭清光如晝足盤遊  
桂槳蘭橈桃樹溪重來誤道武陵迷水間搏水纔分  
路月下驚禽不過隄海近直將瑤島接湖空欲與碧  
天齊子雲既老成衰廢好事憐君酒餉攜

暮春范氏仲叔二子攜酒游汎

南樓北榭恣游行涉迥乘高向晚晴人把花枝憐並  
笑鶯隨歌曲喜雙成湖波千頃濠梁想楮酒三春  
榘情不醉無歸君莫訝伊余元是舊狂生

張秀才東庭牡丹若翁新齋手植余託末交

素同賞愛死生睽離者十年於茲矣今而  
復過花所覩其蔚茂炫爛風人所謂看到  
子孫者非邪感今懷往良用憮然

乘春幾度看花期歌舞筵開綺繡帷几正憐曾染  
翰過庭猶想得聞詩霞蒸日氣呈新豔露浥天香發  
故枝薄暮酒闌人盡醉含情欲去獨遲遲

初夏諸友見過餉以海鮮生鶩尊酒留竟日  
歸時風雨暴作分羣字

江南物候棟花芬海上冰鮮火赤文兼贈籠鶩慚逸



少時多載酒慰楊雲棋枰深畫蒼筠牖紙墨閒情碧  
沼濱莫道歸途忽風雨諸君元是卧龍羣

夏首過高子時高子抱病卜居南城之陬侍  
席蒼頭者聯髭偉貌乃舊所髻中穉弱遂  
長大若此余之衰老可知矣因以去日兒  
童皆老大為韻余分童字

陳平閉門翳負郭蔣詡幽棲一徑通新麥催秋偏是  
雨落花向晚故多風數椽欵洽留連處七發蠲疴喜  
嘯中莫問同游盡衰謝請看髭鬢舊兒童

初過張子隱居設餅供厭飡夜既深遂歸且  
有後約得居字

幽深欲擬草玄居三徑莓苔不掃除負郭平疇將作  
圃映門新水即成渠牀分桐影孤雲淨杯度蘭芬一  
室虛晏坐還須期竟日春盤餅餌尚留餘

再過張子餅饌精絕品製異別美好甘脆咸  
可于口凡噉十餘種猶云未盡蓋主饋出  
自梁豫宜南土所未識也既喜吳均善說  
又感束皙能賦率為短述限遲字時暮春  
三月幾望

有客有客白接羅相從日往習家池李桃正值殘春



後榆柳新經分火時餅出殊方將擬賦酒臨曲水各  
稱詩與君卜夜無須燭况是當筵月不遲

答張子依韻

水淨沙虛南澗阿考繁未矢歲云多會心自與魚相  
樂雅韻還應鳥共歌林下投冠歆隕籜風前攬帶裊  
垂蘿何言返老童顏在斲取歡娛借酒醅

雨中張子過村居無餉餅圓規稠疊知余好

也酌至暮低回不能去遂止宿分前字

西津南里本相連傍葦綠湖數扣舷投我幾雙圓似  
壁飲君一勺淡如泉梅天溽潤翻為暑苗雨滋多正  
及田姘變夜深成款宿清風虛榻北窓前

席上對盆菊

霜栽露蒞出東籬歲晚勞君手自移把玩可憐當錦  
席提携見賞入重帷杯光對照千金笑燭影雙呈耦  
舞姿倘使不將零落棄孤英願薦夕滄時

謚上人禪房

石林幽室秘煙霞春晝風多古木斜塔爾焚香禪誦  
處開窓湖色上袈裟  
林靜春晴鳥似歌石牀香靄雨花多却嫌湖上尋春  
者踏破蒼苔幾度過



峴山竹間望碧浪湖

瞻眺先經峴首東，千山西下遍相通。  
臺高屢拂香花雨，湖迥長搖碧浪風。  
白玉浮波平案出，蒼苔剝石綠尊同。  
乘春暢叙多文雅，把酒憑臨憶魯公。

雨中黃龍洞有能深入者持石而出因感稽

生事賦此

千盤仰闢天門懸，萬仞潛通地道南。  
穿緣僅可乘空出，冥昧難將極下探。  
雲氣從龍飛作雨，春陰帶嶺鬱成嵐。  
將來玉髓疑如石，秘牒徒然早自諳。

宿碧巖山寺

汗漫春三月，游從四五羣。  
遵循盡真賞，奧絕非空聞。  
丹梯躡窈窕，金刹標氛氲。  
息陰不朽木，攜弄無根雲。  
泉懸百隙出，湖明五派分。  
資此慰心口，聊以謝塵紛。

過碧巖還經湖中瞻眺

舍策疲登頓迤榜，擊潺湲鵝翔方出浦。  
雲邁已辭山洲島，屢經復在葦相周。  
環延緣湍瀾際，超忽中流間。  
右盼沮江浙左睇，控荆蠻臨深旣底定。  
習坎何險艱，潛光拾水碧幽芬。  
握春蘭冷風順，遙薄明月照澄灣。  
水泚窈可即彼美，將焉攀姑酌一杯酒。  
且取永日間，詎謂耽荒樂流連。  
竟未還。



別後舟中值雨

悵焉爾欲別逝矣余將歸衣袂空攬結岐路易睽違  
深杯無緩酌孤颿有急飛長風正飄忽踈雨復霏微  
朝游憐比躡暮宿想同幃合志併眷眷分情各依依  
願茲薄暮景照彼青春輝微尚良可企榮名非所希  
含采碧巖雜詠

懸泉

晴空墮石壁泐裂踈泉戶上有莫測源下有不斷雨  
龍竇良可棲木石相與俱將學潛龍螫為養谷神虛

亥泉

濫泉有歎傾觸石皆清聲常流知不息細寫鑿持盈  
不朽木

何年枯朽質幸託旃檀林持將不滅性證此無生心

七星石

石理蘊精熒星文燦然成本由從空墮還將借月明  
真如禪居納涼

裸袒青林賞夷猶物外情松陰抱嵒石塔影下簷楹  
改席迎風坐臨流待月生窅然迷出處天籟發清聲  
雙樹談經所駕湖載酒舟殘陽猶熾暑零露忽驚秋



階馥花常滿屏開翠欲流為多幽寂意良夜每淹留  
憇止寧海寺宿雲堂

溪林幽逕敞招提信棹長風落日西東下千峰同到  
海南來一水各分溪蒼屏映坐蓮華匝翠蓋團空栢  
葉齊解道浮雲無住着依依閒影傍禪棲

白龍淵夜集

西城西水密相望垂柳垂楊復幾行媚酒清漣俱是  
綠映門嘉蔭自然涼祇為歡多忘晝永翻從花盡惜  
年芳臨淵寄語潛龍道願假明珠續夜光

硤石山登樓

冥冥澗海暮雲平絕壁風多萬木聲層閣深杯茲夕  
賞一燈踈雨隔年情林間修竹重開構石上清泉舊  
濯纓對爾杳然身世喪言將衰病學無生

高子開畦植竹命號自適

水繞平沙半畝方年來修竹漸成行一叢煙雨琅玕  
潤百尺風濤鳳尾長晝靜團欒傾幄蔭坐溪蒼翠上  
衣涼但令開逕迎三益何必為園擬辟疆

東郊山池過古春禪居

西汜方利涉東山有攀躋春物旋丰容朋舊相招攜  
歷覽窮隈隩宛轉入幽棲庭草發故叢門柳含新萋



正朗引曲房澄泓控迴溪  
蓮彼皆息心欣我從所稽  
滄美法喜晏坐得天倪  
資此意各適馬知日沉西

脩竹禪房

龍籜墮節全抽解落方能得  
自由捻是出林還百  
加雲猶在進竿頭

黃梅翠李各分行採摘乘時取  
次嘗証果由來異生  
熟圓成捻是一芬芳

旃檀香樹鬱空林不藉扶疎雜  
木陰大地風來却炎  
熱時時吹送梵天音

玩月真如禪房

日落浮雲澹晚晴南湖秋淨月  
華生杯中圓影看如  
近座上清輝攬不盈七級蓮花  
金相涌千尋桂樹寶  
輪明行游往往皆塵跡  
留戀厭厭此夜情

再和星字

風滿虛筵月滿庭良宵選勝得  
禪扃經時桂子空中  
落隔路笙歌靜裏聽一點明光  
秋炯炯三千照破夜  
冥冥知君盡應薇垣輔來伴南  
洲處士星

春日集包氏湖南別墅

小謝東山思不羣習家池館日  
紛紛林泉激檻龍飛  
沫石逕穿屏荔片文鳥識清歌  
因怯轉花迎新賞故



爭芬直愁日暮狂風起吹散陽臺一片雲  
小橋東贈李小山手談  
江南品棋誰絕倫  
趙前驅繼范陳  
鮑子狂酣方擅  
勝李生間雅更稱神  
揚公別墅託東山  
聊試兵權方罫間  
若使李生同在  
幄豈應小鮑獨當關  
高陽意氣日為羣  
鬪伎爭籌酒半醺  
借問當場無敵者  
蒼髯黑面李將軍  
梅花零落不勝風  
春月餘寒雪未融  
幾共夜深相秉燭  
一杯清茗手談中

別平野僧四年始得一違

風定聊倚彼岸船  
雲開應見海山連  
欲躋寶塔入天界  
暫叩東林文字禪  
叢竹涼秀深雨處  
一溪秋水劇談邊  
相留休道踰三宿  
憶別俄看復四年

梅溪禪房對菊

閒房虛寂道心生  
貝梵爐薰回晚晴  
清淨將何克法  
喜秋風窓下獨滄英

吉祥草

不盡燈前不斷香  
五臺西畔白雲房  
既將異草為清供  
更取奇花獻吉祥



荅念上人

水國春寒霖雨多，村居寂寞子桑何。  
慙兒怒如寧免病，援琴嗒尔不成歌。

寄語城西幾舊游，相過好慰索居愁。  
隔岸兩行踈樹蔭，到門一道碧溪流。

真如寺

麥畦麻圃失金沙，斷水殘陽塔影斜。  
小劫曾開諸佛刹，千年元是相公家。

羅漢松

樛枝修幹出雲霞，慈蔭重重護寶沙。  
待得証成羅漢果，不將景色讓曇花。

古檜屏

雲房曾記昔年游，古檜屏前香翠流。  
今日重來倍惆悵，荒階宿莽麥風秋。

古槐

名香繚繞坐沉冥，三尺繩牀貝葉經。  
閉戶不知凡幾臘，門前槐樹老龍形。

契松

蜿蜒百尺蔚亭亭，勁幹凌寒不改青。  
疑道蒼龍常繞座，空林白日聽談經。



晴濤偃盖自成林經案香臺落翠陰靜憩便應終息  
影與君聊結歲寒心

悟泉

石上碧泠泠風中寫素琴涵空微有色涉境自成音  
瑩徹通禪觀流行證道心曹溪原有本直欲遯幽深  
雪泉

瀾瀾本無情涓涓自有聲出巖披練素分井渌瑤英  
定影兼天淨寒光向月生雪峯千載後留得一泓清

南郊朱本源志好釋道四十不娶每依託禪  
流時蓄精茗美泉以俟雅流逸士余以夙

有因地遂脫然於塵垢之外孤踪無着號

曰孤雲

掃除煩惱出囂塵元是空門未了因借問浮踪誰得  
似孤雲到處一閒身

石佛寺梅花洲

梅花洲上雨初晴柳絮飛飛新水平假爾醍醐聊當  
酒綠陰深處聽流寫

寄惠山山人

伊人雅尚託層巒大隱應知城市難霧澤玄姿文豹  
蔚雲標翠黛九龍盤長歌嘏日攀叢桂幽佩清風紉



紫蘭見說山泉稱第二願分一勺洗心寒

憩真如寺雲窩

未能靜念學安禪勞役紛紛盡俗緣暫借北窓幽榻  
上夢游流水白雲邊

虛牖蕭疎竹作隣閒階蒼翠草為茵莫嫌玄度頗相  
問似與慈流有宿因

玩蒲石秋海棠

池光寶鑑碧泉流峯勢香爐掌上浮九節栽成含露  
冷孤莖擎出紫霞秋

施居士外孫為蒙求師示此

兩祖龐公是後身一家遇合有前因提携運動皆神  
川語笑團欒捨道真借地栽花多得實傍山出玉自  
成珍中郎却咲空傳業萬卷千編一土塵  
縹緲靈洲碧海環金銀官闕有無間知君本是烟霞  
侶時控鶴鸞自往還

靜軒

一曲無絃石上琴千年不動鼎中金寄言擾擾夸毗  
子誰解忘機會道心

鶴舟

皇林山



羽衣翩翩玉露秋遙望蓬壺東海頭輕舉却將身比  
鶴長風萬里一虛舟

一曲丹崖上翠千平不憶鼎中金清言對對空如  
僊丘窈窕紫霞寒瑤草金光靜處看一自赤松成藥  
後至今崖石化為丹

過訪魏子無壽宮闕自無間味本吳歐雲  
綠葦問迷津穿林訪隱淪茅齋將擬舫湖水與為鄰  
得意魚相樂忘機鳥自親擊鮮時采藻介壽一杯春

新秋姚子陳子見過  
霖雨離居慰友生終年小畫暑偏清槐花點逕金鋪  
埒苔蘚綠墻繡滿楹試挹杯觴秋芟葉不停鼓部晚

蛙聲仍將奕事相娛戲卻咲爭心兩未平  
和姚子秋字

棋枰書九北窓幽瓜菓兼陳太白浮朱火西流初改  
夏碧梧先落始知秋煙迷圯渡三家市歌起滄浪一  
葉舟相顧歡然猶未醉踈鐙涼雨且須留

和陳子風字

憶昔留連叢桂中驪龍元卧水西宮高陽結侶沉酣  
習河朔逃名俠烈風芳草重林三逕僻垂楊兩岸一  
溪通浮雲何事偏相妬不使歡娛與月同



真如禪房玫瑰一叢向秋而花一莖孤起數  
英首出有若浮圖於時浮圖傾頽將有非  
衣功德主扶茲勝事先見徵於卉類云  
錦綺曾聞相公第芬芳元是給孤園青璵立地孤莖  
直火齊團空數顆繁爭取日華方吐豔奪將春色欲  
高騫浮圖舍利千年會合表靈光發慧根  
東風淡蕩起青蘋容與忘懷大澤濱蘅杜欲齊沙色  
暖鳧鷺常近水文新月明疑邁投珠女日麗時逢板  
楔人乘興行行隨遠涉花迷柳映不知津

贈巢秋鶴

昔時巢父隱巢居今見巢君野鶴如控馭泠泠金作  
築翻翻皎皎素為衣風秋孤影凌滄海霜冷清音薄  
太虛借問生平歸宿處芝田玄圃是吾廬

夜酌唐山人兼懷顧山人

酌彼深觥旨且清白頭貧賤見交情余慚東郭子  
隱爾養南州處士名秋野班荆為坐列夜窓乘月代  
燈明近來相顧誰青眼老病其如阮步兵

秋葵

不隨飄謝同朝槿僅似紛榮讓夏葵葉葉相當交覆



項山齋集卷之四  
影花蒼相亞幾連枝葳蕤質借南金重宛轉心期杲  
日知儻使高墉能托蔭孤生晚暮幸凋遲

秋海棠

紫雲內苑品奇芳占賞稱妍獨海棠自以蕭疎隨碧  
草持將憔悴比紅粧絲垂連理分承緒瓣結同心兩  
並行先後榮華歸併盡春風秋月屢迴翔

金絲荷

叢翠幽階彼澤陂形殊品異各成荷分將錢葉田田  
小貫以金絲縷縷多謾擬蓮花生陸地幸辭泮梗逐  
江波秋來欲取充衣製裁剪難勝柰若何

龍淵秋集同陳子忠子京弟

卧龍淵上水西頭式讌追歡拾舊游旣取飛霞為酒  
竿仍將新月當簾鈎桂花欲過餘殘暑菊蕊猶含待  
晚秋歸路只應河漢隔夜深誰道客星舟

龍淵秋集得天字

子京

踈林繚繞帶龍淵三徑悠然接野田秋水不流明似  
練晚峰相並削成蓮雲窓石几揮毫裏竹色松陰展  
簾前頗會莫驚星聚夜一尊聊醉菊花天

九日采菊真如賦得雪峰井

日月依辰陽九重薄言籬下采芳茸試將一勺寒泉



冽聊當溪杯菊醞濃苔蘚石文開玉鏡梧桐秋影落  
蒼龍陶潛本是忘機者長日悠然對雪峰

春橋詩

秦皇鞭石望扶桑漢武尋僊駕海梁不及山陰行樂  
處百花夾岸絲虹長

西許送友五言六句

顧茲東逝水悵彼西行舟浪鼓如洪澤風狂似石尤  
岐路恒相尼君心自不留

西郭席上得春字

西郊新霽靜芳塵容與維舟野水濱採藥韓康吳市  
隱希僊中散竹林人杯搖月色雙湖晚村映烟光五  
柳春不是桃源真避世重城門外本通津

秋集玄桂堂待月

雨散炎氛淨碧空人同龍卧水爲宮杯承湛露荷莖  
上坐攬芳枝月鏡中涼夜星河臨几席清秋蟋蟀在  
房櫳城南莫道歸途遠欲待冷然直御風

江岐峯二尹過邨居

澄溪霽景媚漣漪正是冰消雪盡時野外春來梅已  
覺林間客到鶴先知漆園寄吏元成隱柳下居官不  
謂卑公暇出城聊晤對數行村酒一枰棋



冬初過淵上人居以子京弟圖畫梵林卷索  
題時殘陽明窓木葉墮几為書二絕

裊裊岑樓出上方經冬木葉未全黃  
數聲清磬孤煙外窓下殘經正夕陽

法雲西來自竺天心印于今復幾傳  
但看丘西舊時樹一枝橫出梵輪前

春汎青蓮南北蕩暮抵東禪禪居

重淵相蕩幾千頃載酒無過四五羣  
桃柳蔭成村塢接荻蘆牙長渚沙分  
舟如青雀空中度遂似吟龍水上聞  
猶記東禪舊游路前溪宛轉入煙雲

淵上人以香椿見貽奉答

野名廣漠四無垠歷劫千尋有大椿  
會向枝頭覓禪味莫緣根地落香塵

竺雲西畔有林丘雙樹中分間一樓  
碧上窓紗涼蔭合影間蒲簟白雲留

清涼何用五層臺百尺飛樓樹杪開  
炎夏逍遙方結制前身元是鳥窠來

擬古五憶體風人之義入

憶歌時持拍笑先迎方成偃抑態復縱  
兩三聲為惜和者寡彌深知者情



憶笑時花開向早春  
文君能善挑西子  
不曾顰出來  
愉悅性偏宜  
婉孌人  
憶粧時  
玉臺掛明鏡  
華月既隨人  
芳葩本同靚  
應憐一顧重  
良使千金輕

憶行時  
花影下雕臺  
翻疑凌水至  
復道渡河來  
願子且止息  
携手一徘徊

憶卧時  
輕颿啓羅幃  
蓄意聊欹枕  
含嬌不解衣  
勿令孤夢繞  
恐作片雲飛

賦得蘭珮贈別

寂寞空山蘭草春  
言將紉珮贈離人  
爲取芳芬齊臭味  
遂令契分託交親  
疊成宛轉同心結  
綴以纏綿五綵綸  
願得不因憔悴棄  
朝朝暮暮偶垂紳

携妓東山眺賞

宛如玉女杜蘭香  
鬢出東山逐舞行  
眉上裁將楊柳綠  
額間塗取菊花黃  
臨風跂望指余珮  
隔水招要褰爾裳  
却笑未能忘故態  
酣歌仍落少年場

夜登煙雨樓

陶陶玄夜共登攀  
渺渺高樓波浪間  
暗裏風聲因竹樹  
迷中煙氣却疑山  
一歌一拍催酣飲  
千賞千捐買笑顏  
綺麗盛年難可再  
與君不醉莫言還



寒食東禪禪居悟集

雲深溪淨敞林扉晏坐蕭然與世違  
燈影不隨新火改爐香寧為禁煙微  
辰寒野酪餠同汎春晚間房花自飛  
祇道無心成信宿非關行樂泥光輝

東園山池得來字

方弭南湖棹言向東山來庭葉當歌落  
巖花妬妓開浮杯臨曲水授簡上高臺  
莫咲山公醉倒著接羅回真如秋集

醍醐甘法味風日美清秋暫此羣動息  
從爾四禪流紺園脩竹蔭玉沼碧蓮浮  
莫論迷與悟共坐北窓幽別姜方二山人

傾蓋已成故白頭復所知併將一日別  
翻作三秋思山空桂花落日暮浮雲滋  
何以慰繾綣但有酒盈卮擬皮陸臨頓  
倡和十首

蒔蔬開小圃栽竹置幽居雕蟲童子賦  
糟粕古人書逃林不亂鳥樂水不知魚  
解道藏真地能迴俗士車虛室寡隣並  
荒階翳草茅探玄為理窟入奧有書巢  
違世從蓬蘞全身且繫匏日長唯寂寂  
黃鳥或交交碧雲將作幙白石藉為牀  
滅相忘塵幻無為事灑王羶封聞螿闕  
隙緘看蠅忙盡道嵇康懶年來嬾更彊



暑去園林爽秋來木葉知杖留沽酒值籬有買書資  
名花為笑臉嬌鳥即歌兒厭厭開細酌擬舊續新詩  
琴尊興不違有客款荆扉林間竹葉盞水上芰荷衣  
日斜憐暑減風動覺涼歸為語芳階草毋令行遲微  
天空來月御山晚駐曦車清響動脩竹暗馥發幽花  
停舟好事客宴坐草玄家長歌杯有酒載詠立中麻  
大火循時邁溽暑應節殘餘隙地方畝清陰竹幾竿  
聊揮白塵尾相向籜皮冠今朝逢道侶便可擬經壇  
斜照歛孤郭浮雲散遠天庭虛將有月樹靜已停蟬  
清宵一蕭散涼思入空玄自可車投轄况復酒如泉

苔痕常積砌轍迹罕過門酌酒當風面鳴琴坐石根  
冷淘浮水盃寒果雜冰盆三徑何芬蔚脩篁有祖孫  
世路竟靡騁衰薄欲何能得與虛舟泛稍謝褊心憎  
熟諳睡家譜聞課酒鄉徵空山聊隱几曲木且安肱  
姜山人自吳門方山人自徑山萃止桃花里  
居同子京弟席上得舟字

出山方命屐逗浦暫維舟馴伏非龍性和鳴即鳳儔  
巖阿秋色靜樹隙月光流相歡咸醉止處士在南州  
張子號彩霞過村居識渠雅致命號無雙  
無雙舊說瓊花朵絕世今逢洛浦人盡道芳聲應得



似寧知生態不如真琵琶密意傳纖指團扇輕歌媚  
絳唇最是多情動人處持杯轉盼一含顰

贈妓

盧家少婦玉為琴拂軫調弦續舊音縱飲自能輕一  
石取歡不道重千金秦淮渡口桃初暖長板橋頭柳  
乍陰謂見歌筵昔時月詎無千里故人心

贈歌者

窄袖輕衫緊稱身雙鬟半髻競時新分桃絕倖紅顏  
子擲果爭憐白玉人婉孌乍逢應道晚低回一咲自  
生春却嫌相見即相別畱得餘香滿坐茵

陳子忠移居湖上同諸友子京弟夜集

昔聞高卧隆中廬今愛鴛鴦湖上居月色含春沙渚  
淨星文燦夜石堂虛浮觴臨水同溱洧露褰裳擬  
板除花氣蒸人渾杳靄厭厭盡是酒酣餘

湖上夜集得年字

子京

選地頗開高士榻乘時聊共竹林賢名逃尊酒渾忘  
世坐隱楸枰不記年月色近看湖海上星輝遙動斗  
牛邊春宵不醉無歸去更欲賡歌曲水篇

雪中友過

鴛湖透迳板橋西密雪濼濼風色淒入樹忽驚梅蕊



白封林却訝竹枝低閉門高卧同袁室命棹尋幽即  
剡溪坐對厭厭須盡興不妨歸路杳然迷

元卿游胃監且應秋試遣贈

笑看咄咄逼人深年少功名正在今聞禮庭前違綵  
服執經館下列青衿一方玉壁寧藏璞千仞鷓雛不  
在林信道韋家傳素業令人因賤滿籬金

惠泉煮天池茶同友雅賞無寄子京弟

閏月今年茶事遲殘春才及摘新枝尖芽飲雨初為  
舌卷葉含風未展旗鱗眼聲中浮惠水碧花香裏瀉  
宣瓷唯應一二清談客坐對晴窓樹蔭移

巳巳二之日固陰沍寒北風霏雪絕除逕之

賓安闔門之卧乃同調畸人雅致逸士命

棹鼓柁衝寒涉凍求我於遐遺慰我於離

索又陳冰盤無寒羞主非尚玄客類好事

於是一觴一詠載歡載咲客曰菟園流風

辭賦燦如黃竹遺軌詠歌斯在然則徵會

紀合懷徃示來亦賴之於述作也今其如

台而獨闕焉遂各占一韻爰成七言余得

香字余先一日之長而序之首云

雲深栗烈北風涼歲暮天陰雨雪霧隔樹侵窓明素



帙縈蘭點徑綴幽香歌因難和方知寡酒為留歡不  
覺長婉孌未將餘興盡輕舟時可過林塘六

鉢菴僧

禪隱幽棲丈許方雲棲今擬鉢為房莫言坐卧難容  
榻應有潜龍向此藏

送陸元厚往蕭山

羅刹江長控越吳蕭然山色入虛無孤舟曉渡春潮  
落十里金沙帶月鋪

謚上人見過

清書房櫳淨綠陰忽聞空谷楚然音雖於城市差能

遠終是山林入未深

送姪游胄監應秋試

南祖銘勳懸日月阿翁繼軌通雲霄董生授受三家  
傳張氏蟬聯七葉貂臨立千飛龍聞盛典來儀雛鳳協  
鳴韶青衿濟濟三千輩四脚步秋風壁水橋



伯兄少岳先生詩集後叙

季弟 元汴 謹撰

古人徇烈士之名振不朽之業立德為  
上功次之言又次之余稽先世祖橐七  
齡起為帝師司徒佐漢刺史翊晉厥德  
茂焉明興襄毅捍國于艱從駕北狩誓  
虜南轅乃釋高源之俘濬涇陽之水發  
關直之奸遏戶瑛之釁厥功弘矣於是  
簪組相承累葉伯氏上林子瞻思以言



揚博綜羣書洞析六義嗜古文詞尤攻  
於詩上探風雅下采騷經酌體裁於六  
代協聲律於三唐思入幽玄語臻清逸  
七言獨步五字長城薄游京輦盡友海  
內之英返服鄉閭惟結林中之彥其綴  
辭也或鵬搏鯤徙或鷦巢蚊睫宋生小  
言大言之準也其託物也或鸞鳳虬龍  
或鳩鳩鷓鴣屈子采芳離賚之旨也由  
是同賦推其擅場自詠莫之屬和是以  
藏名山而垂來裔矣昔有作者二陸標  
美於棣華諸顧蜚聲於文苑若丘為殷  
堯藩並皆作者載在唐史近代名家凡  
有詩集行於世者而伯氏相與頡頏固  
可軒輊是以文翰林會吳序言陰倒屣  
之接皇甫司勳遊獄半面敦傾蓋之知  
非同聲篤好者哉且孝友成性類潘岳  
之家風令德光昭紹靈運之述祖余承  
式範於家達晤言於枕被不能窺其上



乘竊其緒餘乃今流悲夜壑輟詠春池  
爰惜遺稿之漸忘思尚存之可緝編次  
勒梓以彰其志若廼仲氏子長以射策  
擢第敷文緯國咸足不朽汴也附茲末  
簡慙其後塵云餘時會吳引言謝附錄  
萬曆乙亥歲夏仲既望述于退密山居

美林林華  
蕭文山



男德純謹書



